

PRIVREDNA/GOSPODARSKA KOMORA  
FEDERACIJE BOSNE I HERCEGOVINE  
CHAMBER OF ECONOMY OF THE FEDERATION OF BOSNIA AND HERZEGOVINA

# *Industrija tekstila, odjeće, kože i obuće, FBiH*

*Sarajevo,  
juli, 2018. godina  
broj 5.*





danial



Poslovna zona Vila 43  
[www.danials.ba](http://www.danials.ba)  
Tel/Fax: +387 032 667-761  
Email: [danials@bih.net.ba](mailto:danials@bih.net.ba)

*U ovom broju donosimo:*

*Sjajam SIMAC-TANNING TECH 2018*

*Reizborna Skupština Udruženja*

*Šta donosi novi Pravilnik o izgledu policijske uniforme u  
policijskim tijelima Bosne i Hercegovine?*

## *BH delegacija na sajmu SIMAC- TANNING TECH 2018*

Predstavnici domaćih proizvođača obuće, proizvodnje i prerade kože i privrednih komora Federacije BiH i Republike Srpske, u organizaciji italijanskog instituta za vanjsku trgovinu Sarajevo i Udruženja Assomac, prisustvovali su na prestižnom Međunarodnom sajmu mašina i tehnologije za obućarstvo i kožnu galanteriju SIMAC TANNING TECH, koji se održao u Milanu od 20. do 22. februara.



Italija je jedna od vodećih zemalja u proizvodnji cipela i kože, te su na 11.500 m<sup>2</sup> izložbenog prostora prezentirane mašine i proizvodne linije koje čine dio proizvodnog ciklusa u kožarsko-obućarskoj industriji.

U delegaciji iz Federacije BiH učestvovali su predstavnici kompanija Prevent Leather d.o.o. Visoko, Koteks d.o.o. Tešanj i BFM d.o.o. Travnik, kao i sekretar Udruženja tekstila, kože i obuće Privredne komore FBiH.

Članovi delegacije imali su priliku da se na ovom sajmu upoznaju sa najnovijim tehnološkim dostignućima u industriji kože i obuće, te da uspostave direktne kontakte sa proizvođačima opreme i mašina i unaprijede svoja znanja iz ove oblasti.



Istovremeno, posjetili su i jedan od najznačajnijih međunarodnih sajmova „Lineapelle“, gdje se predstavljaju proizvođači različite vrste kože, modela za obućarsku industriju, raznih komponenti za industriju obuće, te pribora za obuću i izradu kožne galanterije.



## *Privredna delegacija održala je sastanak sa predstavnicima ovog sajma i predstavnicima Udruženja Assomac*



Članovi delegacije iz BiH na sastanku sa predstavnicima sajma i Udruženja Assomac predstavili su stanje u industriji kože i obuće Federacije BiH i RS. U cilju dalje saradnje istaknute su mogućnosti uspostavljanja kreditne linije putem italijanskih banaka u BiH za kupovinu opreme pod povoljnijim uslovima, mogućnosti obuka za modelare, kontinuirane posjete sajmu Simac, kao i institucionalnu saradnju Udruženja Assomac i privrednih komora.

Ovo udruženje okuplja najznačajnije proizvođače tehnologije za industriju obuće, preradu i proizvodnju kože iz Italije, a predstavnici domaćih preduzeća i privrednih komora imali su priliku da upoznaju kvalitet i izvrsnost tehnologije za obučarsku industriju i preradu kože. Istraživanje i kontinuirane inovacije, fleksibilnost i pouzdanost nakon prodaje tehnologije, garancija kvaliteta i ušteda energije su ono što ističu italijanski proizvođači mašina i opreme.



---

## *Održan Treći međunarodni simpozij tekstilnog inženjerstva i dizajna - TImod 2018*



Ovogodišnji Međunarodni simpozij tekstilnog inženjerstva i dizajna TImod 2018 u organizaciji Fakulteta za tehničke studije Univerziteta u Travniku održao se 20-22. aprila 2018. godine u Travniku. Koorganizatori ovogodišnjeg simpozija TImod 2018 bili su Edukacijski fakultet Univerziteta u Travniku, Absolute group i Hasky sport, a partneri manifestacije: kompanija Kimateks d.o.o. i Privredna/Gospodarska komora Federacije Bosne i Hercegovine. Ovogodišnju manifestaciju pratio je bogat sadržajni program, te su prisutni gosti imali priliku prisustvovati prezentacijama eminentnih stručnjaka iz regiona.

## Okrugli sto: "Planiranje potrebnih kadrova u tekstilnoj industriji"

U organizaciji Privredne komore FBiH i Fakulteta za tehničke studije prvog dana Simpozija održan je okrugli sto na temu: "Planiranje potrebnih kadrova u tekstilnoj industriji". Učešće su uzeli predstavnici kompanija, obrazovnih institucija, ali i profesori sa Tekstilno tehnološkog fakulteta iz Zagreba, Leskovca, Zrenjanina i brojni drugi gosti. Nedostatak kadrova svakako je aktuelna tema koja i pored brojnih problema ograničava razvoj ovog sektora. Pohvalno je da imamo pozitivnih i uspješnih primjera škola, koje u saradnji sa lokalnom zajednicom ali ponajviše sa privrednicima nastoje odgovoriti na potrebe tržišta rada, kada je ovaj sektor u pitanju. Svi prisutni su se složili da veliki problem predstavlja i odliv radno sposobnog stanovništva te da je ovo problem na čijem rješavanju trebaju raditi predstavnici vlasti na svim nivoima.



### ZAPOSLENOST

- Broj zaposlenih u FBiH 474.596
- Broj uposlenih u prerađivačkoj industriji 96.241
- Ukupan broj zaposlenih u sektoru TOKO 23.500
- Najviše uposlenih: Kanton Sarajevo, Tuzlanski kanton i ZE DO kanton, ali u istim kantonima izražena je najveća nezaposlenost.

- Broj nezaposlenih lica u FBiH 349.699  
od toga 194.112 su žene ( od 35 do 50 godina )
- Prema podacima FZZZ najviše nezaposlenih:

VSS- dipl. ekonomist, pravnik

VŠS – ekonomisti, pravnik, ekonomski službenik

SSS – ekonomski tehničar, maturant gimnazije, mašinski tehničar

KV i VKV – prodavač, bravar, krojač.

Zanimanja koja nedostaju: zavarivača, strugara, alatničara, CNC operatera, tapetara, šivača, krojača, modelatora, tokari i ostalih.

### *Industrija 4.0.*

Počasni gost Simpozija bio je jedan od najvećih svjetskih tekstilaca iz područja odjevnih tehnologija, prof. dr. Dubravko Rogale. U njegovom bogatom naučnom opusu vrijedi izdvojiti da je vlasnik 17 inovacija i 23 domaća i EU patenta. Vanredni je član Akademije tehničkih znanosti Hrvatske, član Saveza inženjera i tehničara tekstilaca Hrvatske gdje je predsjednik Povjerenstva za obrazovanje i znanstveni rad. Zanimljiva predavanja na temu "Proizvodnja odjeće u sklopu Industrije 4.0", te "Novim metodama spajanja odjeće" kroz koje su prezentirane i neke od inovacija ekspertnog tima Rogale, svakako su izazvala veliku pozornost svih učesnika ovogodišnje manifestacije.





Inteligentna odjeća je pojam koji smo donekadavno mogli samo povezivati sa naučnom fantastikom, no, zahvaljujući prof. dr. Snježani Firšt Rogale i njenom naučnom radu ovo je postala realnost. Za ovaj, u svjetskim razmjerima, jedinstven proizvod dobila je prvu nagradu za najinovativniji rad u Hrvatskoj u izuzetno jakoj konkurenciji.

Drugi dan protekao je u radnoj atmosferi, kroz niz zanimljivih predavanja, te je upriličena i modna revija na kojoj su prezentirani radovi učenika Mješovite srednje škole Travnik i studenata Fakulteta za tehničke studije.

Prof. dr. Jovan Stepanović profesor je na Tehnološkom fakultetu u Leskovcu. Za izuzetan doprinos razvoju Univerziteta u Nišu, 2017.

godine uručena je nagrada Zlatni znak profesoru Stepanoviću, čija je specijalnost mehanička tekstilna tehnologija. Ovaj međunarodno priznati naučnik iz oblasti bazičnih tekstilnih tehnologija održao je predavanje na temu geotekstila bez kojeg se danas ne može zamisliti moderna građevinska industrija.

Prof. dr. Vasilije Petrović sa Tehničkog fakulteta „Mihajlo Pupin“ iz Zrenjanina koji već treći put učestvuje na TImod-u, što je znak da svaki novi TImod nosi sa sobom promjene koje privlače pažnju kako novih učesnika tako i učesnika koji su i prije radili stručna predavanja.

Tradicionalno kao i prethodne godine održano je takmičenje učenika srednjih stručnih škola, na kojem su učenici predstavili svoja znanja u šivanju i krojenju, odnosno konstrukciji odjeće. Kvalitetne nagrade za pobjednike u šivanju obezbijedila je kompanija Kimateks, dok je Fakultet za tehničke studije Univerziteta u travniku obezbijedio nagrade u vidu stipendija za pobjednike takmičenja iz konstrukcije.

## *Reizborna skupština*

### *Udruženja za tekstilnu i kožarsko-prerađivačku industriju P/G K FBiH*



U prostorijama Privredne/Gospodarske komore Federacije Bosne i Hercegovine, u srijedu, 18.04.2018.godine, održana je reizborna skupština Udruženja za tekstilnu, kožarsko-prerađivačku i gumarsku industriju P/G K FBiH.

Sjednici su prisustvovali predstavnici vodećih bh. kompanija koje se bave proizvodnjom, preradom i prometom tekstila, odjeće, kože i obuće, te predstavnici Privredne komore FBiH i Federalnog ministarstva energije, rudarstva i industrije ( FMERI ).

Na sjednici Skupštine izabrani su članovi Odbora, te predsjednik i potpredsjednik Udruženja.

**Za članove Odbora Udruženja izabrani su:**

**Ahmet Kamenjaš (Prevent Leather d.o.o. Visoko), Husinbegović Behrija (Makama d.o.o. Bugojno), Safet Žutić ( ShamCarpets d.o.o. Sarajevo ), Fadil Salihović ( BFM d.o.o. Travnik ), Bešlagić Emir (Nerzz Bešlagić d.o.o. Visoko), Harun Čatić ( Bellissima d.o.o. Sarajevo ) i Čančar Fahrudin (Zenko d.o.o. Zenica ).**

**Za predsjednika Udruženja izabran je Haris Sejdić ( Koteks d.o.o. Tešanj ), a za potpredsjednika Almir Imamović ( Uslužnost d.o.o. Sarajevo ).**

Na sjednici je usvojen Pravilnik o organizaciji i radu Udruženja, te su definisani ciljevi i pravci djelovanja. Aktivnosti Udruženja biti će usmjerene u pravcu kreiranja povoljnijeg poslovnog ambijenta za ovaj sektor u FBiH, jačanju dijaloga sa predstavnicima izvršne i zakonodavne vlasti FBiH, ali i na jačanju i zaštiti bosansko-hercegovačke proizvodnje. Predstavnicima Federalnog ministarstva energije, rudarstva i industrije ( FMERI ) g. Senad Zekić i Zvonimir Pavlović, prisutnima su prezentirali dosadašnje rezultate realizacije Strategije razvoja industrije tekstila, odjeće, kože i obuće u FBiH za period 2013.-2023. godina. P/G K FBiH, u saradnji sa FMERI, bila je nosilac izrade ovog dokumenta te će zajedno sa članovima Udruženja dalje raditi na izradi i realizaciji ciljeva Akcionog plana navedene Strategije ovog sektora.

## *Novosti - investicije*

### *Nove investicije Alpina Bromy d.o.o. Tešanj*

Nakon sastanka koji se održao u uredu Vlade Zeničko-dobojskog kantona između premijera ZDK-a Miralema Galijaševića i generalnog direktora kompanije Alpina Žiri-Slovenija Bojanom Gantarom i direktorom tešanjске Alpine-Bromy Suadom Rošom najavljeni su nove investicije u nove proizvodne programe u iznosu oko 2 miliona KM. Na taj način obezbijediti će se posao za 150 ljudi.

Na sastanku su, također, predstavljeni uspješni poslovni rezultati ove grupacije koja u Bosni i Hercegovini zapošljava preko 700 radnika. Direktor kompanije Alpina-Bromy upoznao je premijera o namjeri za realizaciju novih investicija Alpine.

Premijer Galijašević je čestitao postignuće u razvoju

Alpine-Bromy i desetu godišnjicu postojanja kompanije u Tešnju i istakao da će Zeničko-dobojski kanton u okviru svojih nadležnosti i dalje podržavati razvoj i novo zapošljavanje.



### *Obuča iz Novog Travnika za brendove Nero Giardini, Moncler, Via Spiga, Hogan*



U posljednjih nekoliko godina kompanija Lubos iz Novog Travnika postala je jedan od značajnih privrednih subjekata i sa 200 uposlenih radnika značajno doprinosi razvoju ove opštine i smanjenju broja nezaposlenih. Nakon što je krajem prošle godine otvorila novi proizvodni pogon, firma Lubos iz Novog Travnika priprema nove projekte za proširenje kapaciteta, kako bi uspješno odgovorila na zahtjeve kupaca u pogledu povećanja količina i asortimana. Neki od brendova koji se proizvode u navedenoj tvornici Nero Giardini, Moncler, Via Spiga, Hogan i slično sa trenutnom proizvodnjom od 1.000 pari dnevno. Inače, Travnik je historijski prepoznatljiv kako po tekstilnoj tako i po obučarskoj proizvodnji. U toku ove godine planirane su dvije nove proizvodne linije, koje su namjenjene za ino tržište.



## Nova linija proizvoda kompanije Koteks d.o.o. Tešanj



**UNIFORME**  
UNIFORMS

MAJICE T-SHIRT / T-SHIRTS  
MAJICE POLO / POLO SHIRTS  
KOŠULJE / SHIRTS  
BLUZONI / JACKETS (BLOUSES)  
PANTALONE / TROUSERS  
JAKNE/VJETROVKE / JACKETS/WIND JACKETS  
DŽEMPERI / SWEATERS  
KOMBINEZONI / OVERALLS

Posebna pažnja posvećuje se izradi službenih i taktičkih uniformi i opreme čije su osobine strogo definisane, vodeći računa i o čehjenici da vrijeme koje policajac ili vojnik provode na izdržavanju misije često nije ograničeno, a da njihova oprema, uprkos tome, mora zadržavati sve funkcije i nakon dugotrajne upotrebe.

Radno taktičke uniforme razvijene su na osnovu borbenih uniformi vojski unutar NATO saveza, odnosno vojske SAD-a. Koteks je u saradnji sa inostranim partnerima razvio novu liniju proizvoda pod nazivom **TACTICAL S**.

Pored standardne opreme asortiman i ponuda KOTEKS-a obuhvata sve vrste civilnog, sportskog, lovačkog, te službenog naoružanja i municije, optičkih, laserskih i elektronskih sistema za nišanje i gađanje, balističke i zaštitne opreme, opreme za deminiranje i otklanjanje NUS, alpinističke i ronilačke opreme za specijalne agencije i institucije, svih vrsta svjetiljki i reflektora kako za taktičke, tako i za službene i civilne namjene.

Ispunjavajući zahtjeve i potrebe svojih partnera **KOTEKS PRODUCTION** se potvrdio kao pouzdan i povjerljiv partner vojnih, policijskih i privatnih agencija, organizacija i institucija. Proizvodnja se odvija u proizvodnim programima u: Tešnju, Visokom i Zavidovićima.


KOTEKS PRODUCTION - oprema za vojsku i policiju i specijalne službe je u saradnji sa partnerima iz Njemačke, Poljske, Slovenije i Hrvatske počela proizvoditi novu liniju proizvoda po nazivom TACTICALS.

Svi proizvodi iz linije TACTICAL S su certifikovani u renomiranim akreditovanim laboratorijama.

Posebna pažnja usmjerena je na opremanje i zaštitu vojnika i policajaca od iznenadnih udara, zasjeda, eksplozivnih naprava, terorističkih akata, ali i na udobnost korisnika i njegovu zaštitu od klimatskih uslova, atmosferskih padavina te raznovrsnih mehaničkih trauma zadržavajući pri tome izuzetno visok stepen funkcionalnosti i ergonometričnosti.

KOTEKS//KOTEKS PRODUCTION je do sada sopstvenim razvojem potpuno osvojila proizvodnju za preko 300 dijelova opreme za potrebe vojske i policije. Ova oprema danas predstavlja standardnu opremu BH vojnih i policijskih snaga, ali i zemalja u regionu i Europi i Svijetu.

### AlmaRas uvela savremeni način kupovine



Ljubitelji brendova Alma Ras i Mannners svoje omiljene modele od sada mogu kupovati iz udobnosti svog doma. Online butik je još jedna potvrda u nizu praćenja svjetskih trendova kako u svojim kreacijama, tako i u poslovanju, te na taj način zadovoljavaju potrebe svojih kupaca.

Sortirani artikli, funkcionalne karakteristike svih dostupnih modela, uvid u sastav materijala, te kupovina bez vremenskog ograničenja samo su neke od pogodnosti savremenijeg načina kupovine. Proces kupovine je jednostavan i siguran putem online Alma Ras, a brzina isporuke je zagarantovana – kupljeni artikli na željenoj adresi u vremenskom periodu od 48 do 72 sata.

ALMA RAS



## *Prevent BH mijenja ime u Prevent CEE*

Prevent BH d.o.o. od jula mjeseca izvršio je izmjenu naziva u Prevent CEE d.o.o. Promjena imena odražava prisustvo u različitim zemljama CEE i rastuće poslovne aktivnosti automobilske industrije, materijala, metala, plastike, odjeće i namještaja. Pod novim imenom, Prevent CEE će nastaviti sa svojim vodećim principima, stalnim strateškim razvojem i posvećenošću razvoju i rastu sa različitim partnerima i različitim sektorima i zemljama. Uvodeći slogan "Next to You", Prevent ide korak dalje u pozicioniranju kod krajnjeg kupca naglašavajući geo-stratešku poziciju, blizinu proizvodnih lokacija EU kao i bliskost proizvoda samom kupcu.

Kada su u pitanju redovne poslovne aktivnosti ne očekuju se značajne promjene. PDV i ID broj kao i poštanska adresa, telefonski brojevi i adrese e-pošte ostaju nepromijenjeni.

Prevent grupacija pored Bosne i Hercegovine i Njemačke, prisutna je i u Hrvatskoj, Sloveniji, Rumuniji, Mađarskoj i Austriji te u ovoj regiji zapošljava preko 10.000 uposlenika. Kontinuiranim ulaganjem u razvoj i nove projekte Prevent grupacija pozicionirala se kao vodeći dobavljač i industrijski lider CEE regiona.

---

## *Novi proizvodni pogon firme "Olip-Bosna"*



Nova poslovna jedinica za proizvodnju obuće kompanije Olip Bosna otvorena je u Donjem Vakufu. Prema riječima direktora Hodžić Šaćira pogon je otvoren zbog novih poslovnih ugovora, zbog blizine, ali i velikog broja nezaposlenih koji se nalaze na evidenciji u Donjem Vakufu. U ovu, inicijalnu fazu projekta uloženo 1,6 miliona KM, a do kraja njegove realizacije biti će investirano još oko pola miliona KM. Trenutna proizvodnja u pogonima firme „Olip-Bosna“ kreće se oko 6.000 pari obuće na dnevnoj bazi, te su se otvaranjem pomenutog pogona, stvorili uslovi za povećanje tog broja na oko 7,5 hiljada.



### Šta donosi novi Pravilnik o izgledu policijske uniforme u policijskim tijelima Bosne i Hercegovine?



Novi Pravilnik o izgledu policijske uniforme u policijskim tijelima Bosne i Hercegovine, koje je Vijeće ministara Bosne i Hercegovine, na prijedlog Ministarstva sigurnosti BiH, donijelo na 127. sjednici, 28.02.2018.godine, izazvao je problem bosanskohercegovačkim kompanijama koje se bave ovom djelatnošću.

U prethodnoj 2017. godini predstavnici kompanija koje se bave proizvodnjom uniformi obavili su sastanak sa ministrom sigurnosti Bosne i Hercegovine Draganom Mektićem, na kojem se razgovaralo o nacrtu navedenog Pravilnika. Rezultat održanog sastanka trebao je biti uključenje bh proizvođača u Radnu grupu koja je radila na izradi Pravilnika, kako bi u procesu izrade akta dali svoje mišljenje i sugestije na isti. Što se nije desilo. Sadržaj ovog Pravilnika bh kompanije stavlja u nepovoljan položaj, te isključuje njihovu mogućnost konkurisanja u postupcima javnih nabavki policijskih uniformi.

Za ukupno devet kompanija iz Bosne i Hercegovine, koje se bave ovom djelatnošću, stupanjem na snagu, Pravilnik će izazvati brojne probleme. Radi se o kompanijama izvrsne tehnološke opremljenosti, koje zajedno upošljavaju više od 1.000 radnika, ali čije se uniforme koriste u službama NATO snaga, policijske uprave Švicarske, Austrije, Poljske..

Kvalitet nema jasnu definiciju, ali **prema ISO standardima kvaliteta** je definisana kao "stupanj do kojeg skup svojstvenih karakteristika ispunjava zahtjeve". S

**gledišta potrošača kvalitet se povezuje sa cijenom, a sa gledišta proizvođača povezuje se s oblikovanjem i izradom proizvoda kojeg određuje želja i potreba krajnjeg korisnika, te njihove realizacije od strane proizvođača.**

Vodeći se teorijskim znanjem, ali i primjerima dobre prakse potrebno je prethodno biti upoznat sa mogućnostima i prijedlozima domaćih kompanija koje su, radeći u ovom ekonomskom i političkom ambijentu BiH, uspjele zadovoljiti svjetske standarde.

Kvalitet ne znači jedna tipa proizvoda, što se u ovom slučaju preferira Pravilnikom. Prijedlog proizvođača, koji su se udružili u BH Konzorcij proizvođača uniformi BiH, bio je izrada određenog broja uniformi koje bi bile date na korištenje u službama u realnim uvjetima, a dio takvih uniformi bio bi poslan na analizu u nezavisne laboratorije u regiji, kako bi se utvrdio njihov stvarni kvalitet.

Privredna/Gospodarska komora Federacije BiH kao institucija čija je primarna uloga zaštita interesa privrednih subjekata, od mjeseca februara se u više navrata obraćala nadležnim institucijama - Vijeću ministara BiH i Ministarstvu sigurnosti BiH, te sa Privrednom komorom Republike Srpske uputila i zajedničku molbu da se pokrene dijalog sa proizvođačima.



## Održana Konferencija za medije



U skladu sa redovnim aktivnostima na ovu temu, uz prisustvo velikog broja predstavnika medijskih kuća, u prostorijama Privredne/Gospodarske komore Federacije BiH, u četvrtak, 17.05.2018. godine upriličena je konferencija za medije.

Medijima su se obratili:

- Mirsad Jašarspahić ,predsjednik Privredne komore Federacije BiH,
- Amir Međić, Udruženje tekstila, obuće i kože Bosne i Hercegovine - UTOK BiH i
- Haris Sejdić , predstavnik BH. Konzorcija proizvođača policijske i vojne opreme.

BH Konzorcij proizvođača policijske i vojne opreme okuplja bosanskohercegovačke kompanije: Sparta d.o.o Banja Luka, MEN d.o.o. Travnik, ZENKO d.o.o Zenica, Uslužnost d.o.o. Sarajevo, Tekstilna industrija d.o.o. Mostar, Miltex d.o.o Banja Luka, Koteks d.o.o.Tešanj, K.L.M. Prnjavor i Belt d.o.o. Banja Luka, koje upošljavaju više od 1.000 radnika.

Pravilnikom su propisani određeni tehnički kriteriji koje ispunjava samo jedna vrsta uniforme, a koja se proizvodi van BiH, kao i tehničke karakteristike određenih proizvoda, materijala i dodatnih dijelova koji su zaštićeni.

Usvajanjem Pravilnika domaće kompanije potpuno su izgubile mogućnost da se uopšte prijavljuju na tendere koje će policijske agencije na nivou Bosne i Hercegovine u budućnosti raspisivati.

“Ono što je značajno napomenuti jeste da su svi navedeni učesnici press konferencije, zajedničkim djelovanjem uputili više inicijativa i zahtjeva za pokretanje dijaloga između bosanskohercegovačkih proizvođača i nadležnih institucija. Na ovaj nači još jednom nastojali smo da apelujemo na institucije da se Odluka o usvajanju Pravilnika poništi, te da se otvori dijalog sa proizvođačima, naveo je predsjednik P/G K FBiH. Temeljna uloga i misija ove institucije je zaštita interesa bosanskohercegovačkih privrednih subjekata, u ovom konkretnom slučaju zaštita interesa Konzorcija koji je okupio sve bh. firme, proizvođače uniformi, u oblasti tekstilne industrije”, rekao je na konferenciji predsjednik Jašarspahić.

U ime proizvođača uniformi Haris Sejdić je izrazio razočarenje činjenicom da je ministar sigurnosti BiH Dragan Mektić, dao javno obećanje kako će omogućiti predstavnicima BH konzorcija učešće u radnoj grupi koja je pripremala Pravilnik, kako bi u procesu izrade ovom podzakonskog akta mogli dati vlastite prijedloge i sugestije. Umjesto toga proizvođači nisu bili u prilici da tekst Pravilnika zaprime na zvaničan način.

“Firmama koje proizvode, zapošljavaju i pune budžete države, njenih entiteta i svih nivoa vlasti treba omogućiti posao. Ukoliko izostane dobra volja za rješavanje spornih pitanja, ostaje mogućnost žalbene procedure na diskriminirajući tender, a u krajnjem slučaju da se zatraži i sudska zaštita, odnosno odgovarajući pravni li-



jek.” – rekao je predstavnik UTOKA BiH Amir Međić, te će se i dalje insistirati na ravnopravnom tretmanu i promjeni koncepta, odnosno reviziji spomenutog pravilnika kako bi se bh. proizvođačima omogućilo da uposle vlastite kapacitete.

**20.06.2018.**

### ***Održan sastanak sa ministrom Draganom Mektićem***

U prostorijama Ministarstva sigurnosti BiH predsjednik P/G K FBiH, Mirsad Jašarspahić, predstavnici BH Konzorcija proizvođača uniformi: Men d.o.o. Travnik, Sparta d.o.o. Banja Luka i Tekstilna industrija Mostar u srijedu 20.06.2018.godine održali su sastanak sa ministrom sigurnosti BiH, Draganom Mektićem. Na sastanku se razgovaralo o novom Pravilniku, te su prezentirani i uzorci uniformi koje se proizvode u BiH i uniformi koje se proizvode van granica BiH.

Na sastanku su doneseni određeni zaključci koji će biti definisani i potpisani od strane svih učesnika, te će se primjenjivati prilikom objave Javne nabavke policijskih uniformi za potrebe policijskih agencija BiH



---

### ***Zahtjev Vijeću ministara BiH za preferencijalne cijene domaćeg***

U Izvještaju o radu sa 109. hitne sjednice Vlade Federacije BiH, koja se održala u Sarajevu 29.03.2018.godine, Vlada FBiH je, na prijedlog Federalnog ministarstva energije, rudarstva i industrije, donijela zaključak kojim od Vijeća ministara BiH traži da u Odluci o obaveznoj primjeni preferencijalnog porijekla domaćeg u sistemu javnih nabavki predvidi da pri obračunu cijena ponuda u svrhu njihovog poređenja, umanje cijene domaćih ponuda za preferencijalni faktor, i to 15 posto za ugovore koji se dodjeljuju u 2018. - 2019. godini, 10 posto za ugovore u 2020. - 2021. godini i pet posto za ugovore u 2022. - 2023. godini. Ovaj zaključak donesen je uzimajući u obzir činjenicu da razvijenost privrede BiH, odnosno Federacije BiH nije na zavidnoj razini, da privredna društva na domaćem tržištu posluju u nepovoljnom ambijentu, da je mali procenat stranih ulaganja i neadekvatna promocija domaće privrede i da je potrebno podići razinu njihove konkurentnosti.

Federalno ministarstvo energije rudarstva i industrije primilo je 14.2.2018. godine akt Ministarstva industrije, energetike i rudarstva Republike Srpske u kojem je navedeno da je Privredna komora RS-a uputila inicijativu ovom ministarstvu za izmjenu Odluke o obaveznoj primjeni preferencijalnog porijekla domaćeg, a Ministarstvo ju je podržalo i uputilo Agenciji za javne nabavke BiH.

Privredna komora FBiH je 16.2.2018. uputila Uredu premjera Federacije BiH inicijativu za donošenje nove, odnosno izmjene i dopune važeće Odluke o obaveznoj primjeni preferencijalnog tretmana domaćeg, kojim je predloženo umanjenje domaćih cijena za ovaj preferencijalni faktor.



## *Potpisan memorandum o saradnji sa italijanskim Udruženjem Assomac*



U cilju nastavka zajedničkih aktivnosti, u Milanu je održan sastanak sa predstavnikom italijanskog udruženja Assomac iz Vigevana – Pavia, g. Mario Pucci, direktorom za međunarodne odnose. Assomac

– Udruženje italijanskih proizvođača mašina i tehnologije za proizvodnju obuće i industriju kože je jedno od najstarijih udruženja u Italiji koje okuplja preko 150 kompanija.

Sastanku su prisustvovali predsjednik P/GKFBIH i sekretar Udruženja za tekstilnu i kožarsko-prerađivačku industriju P/GKFBIH.

Potpisanim Memorandumom o saradnji između Komore i udruženja Assomac bh kompanijama će se omogućiti bolja saradnja sa italijanskim proizvođačima, razmjena iskustava te mogućnost korištenja znanja italijanskih eksperata. Komora je, u februaru, u saradnji sa Trgovinskim odjelom ambasade Italije u BiH, predvodila delegaciju proizvođača i prerađivača kože i obuće na Međunarodnom sajmu mašina i opreme SIMAC Teh2018, te je potpis ovog sporazuma nastavak saradnje sa italijanskim udruženjem Assomac.

---

## *Održan sastanak sa potpredsjednicom Vijeća stranih investitora Republike Makedonije*

U prostorijama Privredne/Gospodarske komore Federacije BiH, 20.04.2018. godine održan je sastanak sa potpredsjednicom Vijeća stranih investitora Republike Makedonije, gđa. Irena Jakimovska, koja je ujedno potpredsjednica regionalne komore Prilep, te direktorica i suvlasnica kompanije ComfyAngel. Kompanija se bavi proizvodnjom jastuka i različitih punjenja, zaštinih madraca, posteljina i sličnog asortimana, koja upošljava više od 1.000 radnika. Sastanku su prisustvovali Otpravnik poslova ambasade Republike Makedonije, gosp. Aleksandar Krstevski, te direktorica Vijeća stranih investitora gđa. Sanja Miočić. Kada je u pitanju proizvodnja pomenutog asortimana na sastanku se razgovaralo o uspostavljanju i unapređenju saradnje kompanija iz ove djelatnosti, te će se u narednom periodu kroz Udruženje za tekstilnu industriju P/G K FBiH aktivno raditi na tome. Također razgovaralo se o priprema za predstojeću Konferenciju predsjednika komora u regiji, koja će biti održana u Makedoniji.

## *Objavljena "Odluka o uslovima i postupku ostvarivanja prava na oslobađanje od plaćanja uvoznih i izvoznih dadžbina"*

„Odluka o uslovima i postupku ostvarivanja prava na oslobađanje od plaćanja uvoznih i izvoznih dadžbina"- objavljena u „Službenom glasniku BiH" broj 24/18 od 17.04.2018. godine i stupa na snagu osmog dana od dana objavljivanja. Nakon dugotrajnog procesa i provođenja mnogih aktivnosti koje su iz ureda P/G K FBiH bile usmjerene prema nadležnim institucijama na donošenje ove Odluke rezultiralo je pozitivnim ishodom za privredne subjekte. Odlukom se propisuju uslovi i postupak ostvarivanja prava na oslobađanje plaćanja



uvoznih dažbina pri puštanju robe u slobodan promet u skladu s člankom 207. Zakona o carinskoj politici u BiH.

U tom smislu, od plaćanja dažbina oslobađa se oprema koja je ulog strane osobe, osim putničkih vozila, automata za zabavu i igre na sreću. Od plaćanja uvoznih dažbina oslobađa se i oprema za proizvodnju koja se ne proizvodi u BiH, a koja se uvozi za novu ili proširenje postojeće proizvodnje, modernizaciju proizvodnje, uvođenje nove, odnosno osavremenjivanje postojeće proizvodne tehnologije, a kojom se obavlja neposredna proizvodna djelatnost.

Stupanje na snagu Odluke će u značajnom mjeri podstaći privrednike da modernizuju svoju opremu i proizvodnju. Za svaku ozbiljniju kompaniju, a prevashodno izvoznika iz BiH, primjena Odluke omogućit će uštede značajnih sredstava koja će biti presmjerena na modernizaciju proizvodnje i unapređenje poslovanja, kao i nova ulaganja. Svim proizvodnim sektorima u BiH je konačno otvorena mogućnost da koriste svoje pravo za dobrobit podizanja konkurentnosti proizvodnje u bh preduzećima.

---

## *Sastanak sa UP FBiH*



U prostorijama Privredne/Gospodarske komore FBiH, 16. maja 2018. godine, održan je sastanak predsjednika Privredne komore Federacije BiH, Mirsada Jašarspahića i saradnika, sa predsjednikom Udruženja poslodavaca Federacije BiH Adnanom Smailbegovićem i direktorom Udruženja poslodavaca Federacije BiH Mladenom Pandurevićem.

Na sastanku se razgovaralo o najznačajnijim privrednim temama kao i zajedničkim aktivnostima koje su vođene prethodnih nekoliko mjeseci.

Kada je u pitanju donošenje novih Zakona o doprinosima FBiH i Zakona o porezu na dohodak FBiH, dogovoren je dalji zajednički angažman u cilju donošenja zakonskih rješenja koja će biti podrška privlačenju novih investicija i razvoja privrede.

Također, govorilo se i o statusu inicijativa i prijedloga koji su dostavljeni nadležnim institucijama od strane P/G K FBiH i UPFBiH. U cilju poboljšanja ambijenta i podrške razvoju privrede razgovarano je i o zajedničkim aktivnostima koje će se i u narednom periodu voditi prema nadležnoj, zakonodavnoj i izvršnoj vlasti.



## *Sastanak UO Udruženja za tekstilnu, kožarsko-prerađivačku i gumarsku industriju P/G K FBiH*



U prostorijama Privredne komore Federacije BiH, u srijedu, 20.06.2018.godine, održan je sastanak Upravnog odbora Udruženja za tekstilnu, kožarsko-prerađivačku i gumarsku industriju. Na sastanku se razgovaralo o dosadašnjim realizovanim aktivnostima koje su sprovedene u skladu sa planom rada Udruženja, te problematici i inicijativama koje će biti pokrenute u cilju kreiranja povoljnijeg poslovnog ambijenta.

Sastanku su prisustvovali i predstavnici Federalnog ministarstva energije, rudarstva i industrije. Kako je Privredna komora Federacije BiH dala svoju podršku Konzorciju proizvođača uniformi BH, problemi koje će prouzrokovati novi Pravilnik o izgledu uniformi svakako je bio jedna od tema sastanka. Također, sa predstavnicima FMERI razgovaralo se o budućim aktivnostima koje će se sprovoditi u cilju izrade i novog Akcionog plana za realizaciju Strategije razvoja ovog sektora.

---

### *Usvojen Izvještaj o provođenju Akcionog plana 2013.-2018. za realizaciju Strategije sektora*

Na 147.sjednici Vlade Federacije BiH koja se održala 28.06.2018.godine usvojen je Izvještaj o provođenju Akcionog plana 2013.-2018.godine za realizaciju Strategije razvoja industrije tekstila, odjeće, kože i obuće.

Zaključkom Vlade FBiH zadužuju se Federalno ministarstvo energije, rudarstva i industrije i Privredna/Gospodarska komora Federacije Bosne i Hercegovine da pokrenu aktivnosti na izradi Akcionog plana 2019.-2023. godina za realizaciju Strategije razvoja industrije tekstila, odjeće, kože i obuće u Federaciji Bosne i Hercegovine za period 2013.-2023. godina i istodostave Vladi Federacije Bosne i Hercegovine narazmatranje i usvajanje u roku od 90 dana od dana usvajanja ovog zaključka.

Zadužuju se Federalno ministarstvo energije, rudarstva i industrije i Privredna/Gospodarska komora Federacije Bosne i Hercegovine da prate, analiziraju i izvještavaju Vladu Federacije Bosne i Hercegovine o provođenju aktivnosti iz Izmjena i

dopuna Akcionog plana 2013-2018 za realizaciju Strategije razvoja industrije tekstila, odjeće, kože i obuće u Federaciji Bosne i Hercegovine za period 2013.-2023. godina, jednom godišnje, a po potrebi i češće.





# SHAM<sup>W</sup> Wool Carpets

Osnovna djelatnost firme SHAM CARPETS doo je proizvodnja unikatnih ručno taftovanih tepiha. Analizirajući tržište u BiH, cjelokupnom regionu bivše Jugoslavije kao i EU vlasnici firme odlučili su se na pokretanje proizvodnje originalnih dizajniranih tepiha. U njihovoj odluci pomogla im je višestoljetna tradicija tkanja tepiha u BiH. Kao sirovinski sastav upotrebljava se samo čista runska vuna.

Proizvodnja čine tri segmenta:

- a) Program namijenjen za fizička lica tj. individualni program
- b) Hotelsko - poslovni program
- c) Opremanje vjerskih objekata

Filozofija cjelokupne proizvodnje zasniva se na ideji da se kupcima omogući da sami odluče o dizajnu svog tepiha. Pruža im se mogućnost da ga sami dizajniraju ili da to za njih urade dizajneri.



Za proizvodnju tepiha upotrebljavaju se samo najkvalitetniji materijali.

Tepisi su izrađeni od 100% runske vune od češljanog prediva 33-35 mikrona. Predivo se boji ekološkim bojama poznatog švicarskog proizvođača BECEMA. Platno za tkanje tepiha isključivo se kupuje od najveće EU firme za proizvodnju tkanina Njemačke firme SCHILGEN. Podloga je 100% pamučna i lijepe se LATEX-om od poznate firme EOC- iz Belgije.







“Wool-line doo”-Sarajevo-

[www.wool-line.ba](http://www.wool-line.ba)

## SHEEP WOOL ISULATION IZOLACIJA OD OVČIJE VUNE

[www.wool-line.ba](http://www.wool-line.ba)  
Grivici BB  
(Remontni Zavod)  
71240 Hadžići, BiH

*Udruženje za tekstilnu, kožarsko prerađivačku i gumarsku industriju*

*Adresa: Branislava Đurđeva 10  
71000 Sarajevo  
[www.kfbih.com](http://www.kfbih.com)*

*Sekretar Udruženja: Jasmina Zejnilagić, dipl. oec*